

6

deum. Cum hominibus quibusdam innotescunt varia, quae alios latent; ii, quibus peculiaris contigit rerum et veritatum notitia, vel docendo vel scribendo ceteris suppeditare possunt rerum illis antea occultarum intelligentiam. Hoc significatu verbum *αποκαλυπτειν* adhibetur Matth. X, 26. locisque N. T. aliis. Ut plurimum tamen reuelatio *deo* tribuitur ipsi, per spiritum suum notificanti hominibus veritates, quarum cognitione et vsu animis emendati, ad cultum ipsius et verae virtutis studium formari queant. Dicitur autem subinde deus reuelare seipsum et filium suum ipsiusque doctrinam per *legatos suos*, Gal. I, 16. Atqui hoc sensu, huc usque explicato, *reuelare* idem est ac *docere*, notas aliis reddere veritates ipsis antea incognitas. Petrus e. c. institutione Iesu didicerat, illum esse Messiam; pater ideo dicitur ipsi hanc veritatem reuelasse, Matth. XVI, 17.

Plurimis autem scripturae s. locis *αποκαλυψεις* est dei actio, qua hominibus quibusdam rerum veritatumque notitiam eiusmodi ratione suppeditauit, ut eandem nec ipsi rationis usu modo consueto cogitando invenirent, nec haurirent ex libris, nec ab hominibus aliis alio quoquis modo discerent. Huius rei exemplum habemus in Paullo illustrissimum, atque ab ipso litteris expressum. Contendit enim Gal. I, 12. claris verbis, se doctrinam, quam aliis ore et scriptis traderet, euangelicam, non accepisse ab hominum villo; nec mentis suaे sagacitati et ingetii acumini eandem se acceptam ferre, sed sibi contigisse δι' *αποκαλυψεως Ιησου Χριστου*. Se ipsum suopte ingenio euangeli argumentum non excogitasse inde probat, quod ipsius cogitandi de rebus diuinis ratio, Christi doctrinae et ipsi, filio dei, inimica plane fuerit et e diametro opposita, Gal. I, 23. Ab aliis autem hominibus euangelicas veritates se non didicisse, confirmat vitae suaे historia, atque iuramento interposito iterum, iterumque repetit, nullius se unquam hominis, ne quidem praestantissimorum, qui Hierosolymis degebant, apostolorum in veritatibus euangelicis addiscendis institutione usum esse. Sed quam primum a Christo ipso ad Apostoli munus obeundum euocatus esset,